

四庫全書

子部

欽定四庫全書

子部

薛氏醫案卷六

詳校官太醫院吏目臣周世泰

編修臣倉聖脈覆勘

總校官原任中允臣王燕緒

校對官中書臣李斯咏


謄錄監生臣王鍾岱

欽定四庫全書

薛氏醫案卷六

保嬰金鏡錄

明薛己撰



全幼心鑑云小兒半歲之間有病當於額前眉端髮際之間以名中食三指橫按之兒頭在左舉右手在右舉左手食指為上中指為中名指為下若三指俱熱主感受風邪鼻塞氣粗發熱欬嗽若三指俱冷主外感內傷發熱吐瀉若食中指熱主上熱下冷名中指熱主夾驚食指熱主胸膈氣滿乳食不消○竊謂額間赤色主心經風熱煩躁驚悸若發熱作渴飲水或發叫哭屬本經實熱用瀉心湯以清心火微赤則困卧而悸發熱作渴

飲湯屬虛熱用秘旨安神丸以生心血青黑主驚風腹痛或癎癇啼叫青黑甚主心腹疼此寒水勝心火為賊邪用益黃散以補脾胃微黃皮燥主驚疳此心經疳症用秘旨安神丸以養心血骨蒸作渴盜汗頭髮乾黃此為腎疳用地黃丸以滋補肝腎。左臉青或兼赤乃肝經風熱項強頓悶發搐目劓癎癇用柴胡清肝散主之虛熱用地黃丸補之青黑主肝尅脾虛寒驚搐腹痛用六君薑桂溫之微赤主潮熱血虛心躁用秘旨安神丸

佐以地黃丸。右臉赤主大腸實熱氣粗欬發熱飲水用瀉白散若哽氣出氣唇白氣短屬虛熱用五味異功散脾熱所傳用清胃散心火所刑用人參平肺散淡赤主潮熱心躁或大便堅秘用宣明柴胡飲子以疎導其熱如潮熱未止更用鈎藤飲以清肝補脾色青白主欬嗽惡心先用惺惺散解其表邪健其脾土繼以六君子湯調補中氣色青黑主驚風腹痛盤腸內弔此肝木侮脾土用六君子湯加鈎藤鈎以調補元氣不宜治肝

○鼻色赤主脾胃實熱身熱飲水飲食如常用瀉黃散
清熱理脾微赤主脾經虛熱飲食難化而不思食用五
味異功散以補中健脾色深黃主小便不通鼻中乾燥
氣粗衄血乃脾熱傳於肺腎先用濟生犀角地黄湯清
熱養血後用地黃丸以滋益腎水色淡白乃脾氣虛弱
主泄瀉飲食不化用六君子以調補中氣青色主脾土
虛寒肝木所勝用五味異功散加木香炮薑溫中平肝
○頰間色赤主腎與膀胱陰虛有熱而小便不通用四

物湯加山梔以養血清熱赤甚主膀胱氣滯而熱結用
五淋散以分利其邪若鼻準微黃兼右腮微赤乃脾肺
燥熱不能化生腎水用黃芩清肺飲膀胱陰虛陽無所
生用滋腎丸若頰間微赤乃膀胱陽虛陰無所化用六
味地黃丸若兼小腹脹滿或陰囊腫脹屬陰虛濕熱壅
滯用六味丸加車前子牛膝兼脾肺氣虛不能通調水
道者亦用前藥其小便赤色久而尿血亦屬肝腎氣虛
有熱用六味地黃丸主之不應則用補中益氣湯益脾

肺生腎肝若小便後出白津或莖作痛者屬肝經濕熱
先用龍膽瀉肝湯後用六味地黃丸。印堂色青黑主
腹痛夜啼此脾經虛寒脾屬至陰故夜間腹痛而啼用
鉤藤飲色淡白主泄瀉飲食不化屬脾氣虛弱用五味
異功散加木香主之。目內色青主肝經風熱發驚若
直視叫哭屬肝經實熱用抑肝散兼咬牙頓悶屬虛熱
用六味地黃丸色赤主心肝二經發熱抽搐煩躁若小
便赤屬小腸實熱用導赤散若驚悸倦怠屬肝經血虛

用六味地黃丸色黃主脾積少食夜間發熱用四味肥兒丸飲食停滯吐瀉並作用胃苓散去桂加茵陳山梔自解發搐眼眨屬風熱相搏先用柴胡梔子散後用六味地黃丸眼胞微腫主久咳惡心或脾疳食積用五味異功散補脾肺兼肥兒丸以消積滯或目視不明或雀目揩拭眉眼此欲生風也急用抑肝散以解之睛尾紅絲乃肝木勝脾土先用四君子加柴胡山梔後用地黃丸○人中色黃主傷食青主乳食不化噁噫酸腐此脾虛

停滯用平胃散以消積和中色青赤主驚肝氣傷脾用
五味異功散加柴胡以平肝補中○唇色白主吐涎嘔
逆或吐血便血乃脾氣虛弱不能攝涎統血歸源急用
六君子湯調補中氣則諸病自愈切忌涼藥若色赤乾
燥而皺者主脾經有熱發熱作渴口中氣臭大便不通
燥煩不寐先以清胃散治其熱更以六君子湯加黃連
山梔兼補其脾色黃主脾經食積泄瀉飲食不化以六
君子湯溫補中氣色赤兼白主衄血乃脾肺虛熱不能

攝血用聖濟犀角地黄湯以清熱補血兼用六君子以
補脾氣久不愈用麥門冬散或人參補肺湯○口畔色
黃主脾經積熱用清胃散以理脾清熱若唇口搖動主
驚熱不安用五味異功散加山梔鉤藤鉤以補脾平肝
若口流涎唇色紫乃胃氣虛寒也用益黃散若腹中痛
口吐涎水者乃蟲痛也先用蕪荑散後用調中丸不吐
涎者乃積痛也但用五味異功散調補胃氣手足並冷
用理中湯加烏梅溫補中氣則蟲不動而痛自止矣亦

有積痛者或吐后痛止或去後痛止者宜用消積丸消導積滯佐以異功散調補胃氣○耳前微赤此少陽經風熱也用柴胡梔子散生肝血清肝火微黃主睡中驚悸咬牙因肝脾虛熱宜用四君子加芎歸以安神耳輪乾燥主骨痛蒸熱為腎經虛熱也用六味地黃丸補之若小便後出白津或陰莖痒痛者屬肝經濕熱也先用龍膽瀉肝湯後用六味地黃丸若稟賦不足或早近女色致小便瀦滯或作痛如淋者急用六味地黃丸補中

益氣湯滋其化源或大小便道牽痛者尤為虛也亦用
前藥加牛膝車前子肉桂救之如手足逆冷或畏寒飲
食陽氣虛寒也急加附子多有生者大抵小兒之症多
因稟賦臟氣不平或乳食寒暑失宜或妊娠飲食起居
六淫七情所致若初病元氣無虧乳食如常發熱壯熱
二便秘結作渴飲水卧不露睛者悉屬形病俱寔當治邪
氣若病久元氣已虧食少發熱口乾飲湯嘔吐泄瀉肢
體畏寒卧而露睛者悉屬形病俱虛當補正氣況今之

小兒元氣與昔不同用藥失宜脾胃先傷豈可泥古方而施治哉余故考諸名家宗諸東垣于凡諸症各補以方藥治者能即色以驗其病察病以固其本斯無失矣是以古之治病望色為先也且驚則氣散脉亂不可專診故必兼察色心鑑云若面色未盡當參之以指脉指脉未盡當參之以面色色脉兼盡無餘蘊矣

治驗

一小兒痲癰啼叫額間青黑此驚風肝木乘脾腹中作

痛也先用六君子湯加木香柴胡鈎藤鈎啼叫漸緩更加當歸又二劑而安

一小兒嘔吐不食手足搐搦痰涎上湧手足指冷額黑唇青此腎水勝心火也用五味異功散加木香炮薑頓安乃去炮薑再劑而愈

一小兒煩躁驚悸熱渴飲冷額間色赤此心經實熱所致先用瀉心湯一服稍緩又用柴胡梔子散而瘥

一小兒四肢消瘦肚腹漸大寒熱嗜卧作渴引飲余曰

症屬肝脾名為丁奚哺露也以白朮散為佐佐以徐氏
十全丹月餘諸症漸愈乃以異功散加當歸及六味丸
又月餘尋愈

一小兒患前症諸疳悉具熱如火炙病狀不能盡述朝
用異功散夕用四味肥兒丸月餘諸症稍愈佐以地黃
丸自能行立遂朝以地黃丸夕以異功散及蝦蟆丸數
服而全愈

一小兒四肢消瘦肚腹脹大行步不能狀如蜘蛛頗能

飲食作渴發熱去後臭穢此脾藏傷也以十全丹數服
諸症漸愈又用異功散肥兒丸調理肢體如常

一小兒發熱拘急或四肢痠癢左顙色赤此心肝二經
風熱相搏先用柴胡清肝散以清心肝之熱次用六味
地黃丸以生肝腎之血頓安

一小兒發搐啼叫手足指冷左顙青黑此肝脾虛弱腎
水反侮脾土用六君子湯加薑桂一劑頓安又以四君
子加芎歸及補肝散而愈

一小兒潮熱煩躁左顙青赤此心肝血虛用秘旨安神丸及四物湯加防風酸棗仁治之尋愈又用六味地黃丸調補肝腎而痊

一小兒潮熱發搐痰涎上湧手足指冷左顙至申酉時青中隱白手足時搐此肝經虛弱肺金所勝而潮搐脾土虛弱而手足冷也用補中益氣湯以調補脾肺用六味地黃丸以滋補肝腎而愈蓋病氣有餘當認為元氣不足若用瀉金伐肝清熱化痰則誤矣

一小兒發熱咳嗽右顴色赤此肺金有熱用瀉白散而愈復感冒風邪前症更作又加聲重流涕用參蘇飲加杏仁桑皮而愈但右顴仍赤兼額微赤此兼心火乘肺金也用人參平肺散一劑遂痊

一小兒五歲作渴右腮鼻準微赤或飲冷水或服涼藥即時嘔吐余曰右顴微赤肺經虛熱也鼻準微赤胃經虛熱也此胃虛不能生肺耳先用四君子加升麻一劑服之而不吐又用白朮散二劑而不渴再用四君子四

劑而安

一小兒潮熱煩渴大便乾實氣促咳嗽右顙色赤此肺與大腸有熱用柴胡飲子一服諸症頓退後因微驚又發搐咬牙頓悶此肝脾氣血虛也用四君子加芎歸鉤藤鈎而愈

一小兒咳嗽惡心鼻塞流涕右顙色青白此脾肺氣虛而外邪所乘先用惺惺散咳嗽頓安但飲食不思手足指冷此外症雖去而元氣尚虛也用六君子少加升麻

一劑而痊

一小兒腰曲啼叫右顙色青黑此臍腹內痛即盤腸內
吊也因脾土虛寒肝木來乘故耳用六君子加木香鈎
藤鈎頓痊

一小兒發熱飲食少思大便秘不實常服蘆薈等丸視
其鼻赤此寒涼之劑復傷脾土而虛熱也用五味異功
散數劑而元氣復

一小兒小便不利鼻乾衄血鼻間色赤屬脾肺有熱用

濟生犀角地黄湯前症已愈後頰間常赤作渴有痰此稟賦腎氣不足用地黃丸而諸症皆瘥

一小兒發熱作渴用瀉黃散大便重墜口角流涎仍欲瀉火余曰鼻準青白多而黃色少屬脾胃虛寒肝木所侮蓋口角流涎胃氣不能統攝也大便重墜脾氣不能上升也不信另用涼劑果有眉唇微動四肢微搐余曰此虛極而變慢脾風也用六君子加當歸木香炮薑鈎藤鈎二劑益甚意欲更劑余曰此藥力未及也設前藥

不對其症禍在反掌矣仍以前藥加炮附子一片服之即安乃去附子又二劑調理而愈

一小兒小便不利服五苓散之類不應頰間及左顙色赤乃肝腎虛熱用四物湯加山梔而愈後因感冒悞用發汗小便仍前不利余用補中益氣湯加麥門五味調補脾肺而愈

一小兒小便不利及莖中澁痛或尿血石此稟父腎熱為患先用五淋散以疏導又用滋腎丸地黃丸補其肝

劑而安

一小兒潮熱煩渴大便乾實氣促咳嗽右顙色赤此肺與大腸有熱用柴胡飲子一服諸症頓退後因微驚又發搐咬牙頓悶此肝脾氣血虛也用四君子加芎歸鈎藤鈎而愈

一小兒咳嗽惡心鼻塞流涕右顙色青白此脾肺氣虛而外邪所乘先用惺惺散咳嗽頓安但飲食不思手足指冷此外症雖去而元氣尚虛也用六君子少加升麻

金匱要略卷六
一劑而痊

一小兒腰曲啼叫右顙色青黑此臍腹內痛即盤腸內
吊也因脾土虛寒肝木來乘故耳用六君子加木香鈎
藤鈎頓痊

一小兒發熱飲食少思大便不實常服蘆薈等丸視
其鼻赤此寒涼之劑復傷脾土而虛熱也用五味異功
散數劑而元氣復

一小兒小便不利鼻乾衄血鼻間色赤屬脾肺有熱用

濟生犀角地黃湯前症已愈後頰間常赤作渴有痰此稟賦腎氣不足用地黃丸而諸症皆瘥

一小兒發熱作渴用瀉黃散大便重墜口角流涎仍欲瀉火余曰鼻準青白多而黃色少屬脾胃虛寒肝木所侮蓋口角流涎胃氣不能統攝也大便重墜脾氣不能上升也不信另用涼劑果有眉唇微動四肢微搐余曰此虛極而變慢脾風也用六君子加當歸木香炮薑鉤藤鉤二劑益甚意欲更劑余曰此藥力未及也設前藥

不對其症禍在反掌矣仍以前藥加炮附子一片服之即安乃去附子又二劑調理而愈

一小兒小便不利服五苓散之類不應頰間及左顴色赤乃肝腎虛熱用四物湯加山梔而愈後因感冒悞用發汗小便仍前不利余用補中益氣湯加麥門五味調補脾肺而愈

一小兒小便不利及莖中澀痛或尿血石此稟父腎熱為患先用五淋散以疏導又用滋腎丸地黃丸補其肝

一小兒五歲食粽後咬牙欲吐頃間腹脹昏憤鼻青黃赤此脾土傷而心肝所動食積發厥也先令雞翎探吐出酸物頓醒節其飲食勿藥而愈

一小兒生旬日面目青黃此胎黃症妊娠胃熱也用瀉黃散乳調少許即愈後復身黃吐舌仍用前散而安

一小兒四歲發熱飲冷口内生瘡額鼻黃赤吐舌流涎余謂心脾有熱用導赤瀉黃二散而愈後復作余因他往用清熱化痰等藥前症益甚更弄舌余用異功散加

鉤藤鉤而安又用六君子湯而愈蓋吐舌者為脾經實熱而舌長出也弄舌者乃脾臟虛熱也令舌時舒而即收也治者審之

一小兒三歲言步未能牙髮猶少體瘦骨立面赤作渴服肥兒丸不應余謂此腎虛疳症乃稟父精氣不足故也蓋肥兒丸脾胃經之藥也久服則腎益虛而疳益甚不信果牙髮漸落余用六味地黃丸加鹿茸五味子半載元氣健而諸症愈

水鏡訣云陰陽運合男女成形以分九竅四肢乃生五臟六腑部位各分逆順難明若憑寸口之浮沉必乃橫亡於孩孺子須用虎口辨別三關消詳用藥必無差



誤未至三歲看虎口及三關若脉見風闕初病則易治交氣闕則難治交命闕則病深死症又當辨其色如獸驚三關必青水驚三關必赤人驚三關必黑若紫色主瀉痢黃色是雷驚三關脉通度是極驚之症必死或青或紅有紋如線直者是母食傷脾左右一樣者是驚與積齊發紋有三條是肺生風痰或作驚黔聲色青是傷寒主痰嗽色紅主瀉有黑相兼主下痢紅多者赤痢黑多者白痢有紫相兼虎口脉亂乃

脾胃不和蓋脉紋見有五色由其病甚紋色更變至於純黑者不可得而治矣又當參辨脉形主之

十三指形主症

流珠形



長珠形



環珠形



來蛇形



去蛇形



弓反外形



弓反裏形



鎡形



魚骨形



針形



水字形

透闕射指形



透闕射甲形



愚謂古人云小兒為芽兒如草之芽如水之漚然也蓋因臟腑脆嫩口不能言最難投劑是以首察面色而知其所屬次驗虎口以辨其所因矣然猶未足以盡病之証故余復註十三指形實為治法之簡便爾若流珠形者主飲食所傷內熱欲吐或腸鳴自痢煩躁啼哭用胃苓膏消飲食分陰陽若食既消而仍吐瀉腸鳴用香砂助胃膏溫補脾胃環珠形主脾虛停食胸膈脹滿煩渴發熱用五味異功散加山查枳實健脾消食後用六君

子湯調養中氣。○長珠形主脾傷積滯肚腹作痛寒熱不食先用太安丸消其積滯次以五味異功散健其脾氣。○來蛇形主脾胃濕熱中脘不利乾嘔不食此痞邪內作用四味肥兒丸治痞用四君子補脾去蛇形主脾虛食積吐瀉煩渴氣短喘急不食困睡先用六君子湯加山查枳實健脾消積次以七味白朮散調補胃氣。○弓反裏形主感冒寒邪哽氣出氣驚悸倦怠四肢稍冷小便赤色咳嗽吐涎先用惺惺散助胃氣祛外邪後以

五味異功散加茯神當歸養心血助脾氣若外邪既解而驚悸肢冷乃脾氣尚虛宜七味白朮散補之若悶亂氣粗喘促哽氣者難治肺虛甚也○弓反外形主痰熱心神恍惚夾驚夾食或食癰風癰脾肺氣虛而風熱痰盛也先以天麻防風丸祛外邪又用五味異功散調中氣○鎗形主風熱生痰發搐驚風先用抱龍丸如未應用牛黃清心丸若傳於脾肺或過用風痰之藥而見一切諸症者專調補脾胃其病自愈○魚骨形主驚痰發

熱先用抱龍丸如未應屬肝火實熱少用抑青丸隨用
六味地黃丸或發熱少食或痰盛發搐乃木尅脾土也
用六君子加柴胡調補脾土而制肝木○水字形主驚
風食積胸膈煩躁頓悶少食或夜啼痰盛口噤搐搦此
脾胃虛弱飲食積滯肝木尅脾土也初患用大安丸消
導飲食次以六君子湯加鉤藤鉤補中清肝若已服消
食化痰等劑反傷元氣者用四君子加升麻柴胡鉤藤
鉤以升補脾胃平制肝木○針形主心肝熱極生風驚

悸頓悶困倦不食痰咸搐搦先用抱龍丸祛風化痰次
用六君子湯加鈎藤鈎平肝實脾。透關射指主驚風
痰熱聚於胸膈乃脾肺虧損痰邪乘聚先用牛黃清心
丸清脾肺化痰涎次用六君子湯加桔梗山藥補脾土
益肺金透關射甲主驚風脾土虧損肝木剋制之敗症
急用六君子湯加木香鈎藤鈎官桂以溫脾土未應即
加附子以回陽氣多得生者

流珠只一點紅色環珠差大長珠圓長已上非謂圈

子總皆紅脉貫氣之如此來蛇即是長珠散一頭大一頭尖去蛇亦如此分上下朝故曰來去角弓反張向裏為順向外為逆鎗形直上魚骨分開水字即三脉並行針形即過關一二粒米許射甲命脉向外透指命脉曲裏雖然余常治之亦有不專執其形脉而投劑者盖但有是症即服是藥而已

流珠形症

一小兒發熱吐瀉腹脹不乳其紋如流珠此脾胃氣傷

先用香砂助胃膏後用六君子湯全愈

長珠形症

一小兒寒熱作嘔飲食不入按其腹乃哭脉紋如長珠此飲食停滯也先用大安丸吐瀉宿滯遂安但唇目搖動大便稀黃此肝邪去而虛熱所迫也用六君子湯加鉤藤鉤而愈

環珠形症

一小兒胸腹膨脹發熱煩悶脉紋如環珠以手按腹即

哭此屬脾胃虛而飲食停滯也先用保和丸一服前症如失更加煩渴按其腹不哭矣此宿食去而脾胃復傷也用五味異功散加柴胡治之頓瘳

來蛇形症

一小兒不時乾嘔乳食不進肚腹膨脹其形如來蛇此脾胃虛而成疳也用四味肥兒丸治疳佐以四君加蕪荑健中而痊後傷飲食吐瀉完穀形氣甚困四肢微搐視其紋如去蛇余曰且不用藥次日吐止但搐而瀉青

黃此脾土虛而肝木勝用六君子加鈎藤鈎而瘥

去蛇形症

一小兒未及周歲氣短喘急乳食少進時或吐乳視其形如去蛇乃脾傷而食積先用六君子加山查枳實漸愈後乳食復傷吐瀉作渴候二日不止與胃苓膏以治吐瀉七味白朮散生胃氣而愈

弓反外形症

一小兒睡卧驚悸發熱痰盛脉形如弓之向外此因驚

木旺傷脾而食不消也先以天麻防風九祛風定驚後用五味異功散壯脾止瀉而瘥

弓反裏形症

一小兒沉黙昏倦肢冷驚悸其紋如弓之向裏此脾肺氣虛而外感寒邪也先用惺惺散以解外邪調胃氣諸症頓愈但手足逆冷又用六君子湯調補元氣而安

鎗形症

一小兒患咳嗽服牛黃清心丸加喘促腹脹余視其右

臉赤脉紋形如鎗屬脾氣復傷用六君子湯頓安

魚骨形症

一小兒沉困發熱驚搐不乳視其脉紋如亂魚骨此風熱急驚之症也先用抱龍少許祛風化痰後用六君子湯加柴胡壯脾平肝而愈

針形症

一小兒咳嗽發熱右臉赤色作渴煩悶倦怠少食肚腹作脹脉紋如針此風邪傷肺而飲食傷脾也先用六君

子湯加桔梗杏仁柴胡一劑諸症少愈後去杏仁柴胡再劑而安

水字形症

一小兒發熱夜啼乳食不進昏迷抽搐痰盛口禁脉紋如水字此脾肺氣虛風木所乘痰食積於胸腹也先用大安丸後用六君子加鈎藤鈎而痊

透關射指形症

一小兒發熱右臉赤咳嗽痰盛其脉紋透關射指余以

為風邪蘊結於肺而痰作用二陳湯加桑皮杏仁桔梗
治之自用發散降火之劑風痰不退發勢益甚余曰此
脾肺俱虛治失其宜遂用五味異功散加桔梗四劑漸
愈又用六君子湯而痊

透關射甲形症

一小兒停食發熱服苓連三稜厚朴等劑飲食日少胸
腹膨脹其紋透至指甲用補中益氣湯加木香鈎藤鈎
溫補脾氣制肝木數劑漸效又用六君子湯加炮薑治

之而安其泛用金石腦麝祛逐之劑變驚而致者不能枚舉惜哉

愚謂凡小兒在月內外者調補之藥每服亦不過二三匙若表散攻代之劑則每服只可匙許而已過多則反傷元氣餘當量大小虛實加減若乳母之疾致兒為患當治母為主子少服之後倣此

錢氏瀉青丸 治肝經實熱急驚抽搐

羌活 大黃煨 川芎 山梔仁炒 龍膽草酒炒 當歸

防風各等分

右為末煉蜜九芡實大每服半九煎竹葉湯入砂糖

化下

愚按前方足厥陰經解散肌邪疏通內熱之火也若
大便秘結煩渴飲冷飲食如常者屬形病俱實宜用
此以瀉之若大便調和煩渴飲冷屬病氣實而形氣虛
宜用抑肝散平之若大便不實作渴飲湯飲食少思
肢體倦怠者屬形病俱虛宜用地黃丸補之大抵前症

若肝經血虛風熱先用四物湯加鈎藤鈎以生肝血
繼用四君子湯以補脾土若因肝經血燥痰盛用地
黃丸滋腎水生肝木四君子加芍藥實脾土生肺金
若因肺金剋肝木用六君子湯加芍藥實脾土以平
肺金若屢行攻伐而脾土虛寒者急服六君子湯加
丁香補脾胃以培陽氣若因乳母恚怒肝火致兒為
患者母服加味逍遙散子亦吮數滴

錢氏地黃丸 治肝疳白膜遮睛瀉血失音身瘦瘡疥

又治腎怯不言解顙行遲等症一名六味地黃丸

熟地

八錢酒洗

山茱萸

肉

乾山藥

各四錢

澤瀉

牡丹皮

白茯苓

各三錢

右為末用地黃膏量加米糊丸桐子大每服二三十丸空心白湯化下其地黃用生者自製杵膏

愚按前九治肝經血虛燥熱或腎經虛熱作渴小便淋秘痰氣上壅或風客淫氣患瘰癧結核或四肢發搐眼目睵動或咳嗽吐血頭目眩暈或咽喉燥痛口

舌瘡裂或自汗盜汗便血諸血或稟腎不足肢體瘦弱解顱失音或畏明下竄五遲五軟腎疳肝疳或早近女色精血虧耗五臟齊損凡屬腎肝俱虛不足之症皆宜用此以滋化源其功不能盡述

瀉白散

治咳嗽痰喘面腫身熱

甘草

炒五錢

地骨皮

一兩

桑根白皮

炒黃一兩

右為末每服一二錢入粳米百粒水煎

愚按活人方云喘者肺氣盛而有餘然氣盛當認作

氣衰有餘當認作不足蓋肺氣盛者肺中之火盛也
有餘者肺中之邪有餘也其脉右寸必浮而有力右
頰色赤前藥所以瀉之世之多不用人參蓋泥於肺
熱還傷肺之說以致誤人多矣前症若乳母感冒風
寒肺經蘊熱致兒為患用十味參蘇飲若乳母膏梁
醇酒積熱致兒為患用加味清胃散

錢氏瀉黃散

一名瀉脾散

治脾熱吐舌

藿香

七錢

石膏

甘草

炒各五錢

防風

二兩

山梔

仁炒一兩

右蜜酒微炒為末每服一二錢水煎

愚按前方治脾胃寔熱之法也若作渴飲水肢體壯熱元氣無虧者宜用之若作渴飲熱美舌體溫元氣虛弱者宜五味異功散

錢氏瀉心湯 治心經實熱

黃連

右為末每服一錢臨卧溫湯調下

愚按前症若仰面而卧呌哭發熱飲水或發抽搐屬

心經實熱宜用前方若合面而睡驚悸上竄咬牙屬
心經虛熱宜用導赤散若因乳母膏粱醇酒致兒發
熱者用加味清胃散令母服子亦飲數滴

錢氏益黃散

一名補脾散

治脾胃虛冷吐瀉

陳皮

一兩一分

訶子肉

五分

甘草

炙五分

丁香

右為末每服二錢水煎

愚按前症若脾土虛寒或寒水侮土而嘔吐泄瀉手
足並冷或痰涎上湧睡而露睛不思乳食宜用此方

若因脾土虛弱吐瀉者用六君湯加柴胡如不應或手足俱冷屬虛寒也更加木香炮薑若因乳母脾虛肝侮亦治以前藥若乳母鬱怒致兒患前症母服加味歸脾湯

東垣人參安胃散 治脾虛傷熱乳食嘔吐瀉痢

人參

錢一

黃芪

錢二

生甘草

炙甘草

錢各五

白芍藥

錢七

白茯苓

錢四分

陳皮

錢三分

黃連

炒二分

右為末每服二錢水煎

愚按東垣先生云益黃散內有丁香青皮辛熱蓋為寒水侮土而設也若因熱藥巴豆之類損其脾胃或因暑熱傷乳食而成吐瀉口鼻氣熱而致慢驚者宜服前方

錢氏異功散 治吐瀉不食凡虛冷症先與數服以正胃氣

人參 茯苓 白朮 甘草炒 陳皮各等分

右為末每服二三錢薑棗水煎

愚按前方治脾胃虛弱吐瀉不食或驚搐痰盛或睡而露睛手足指冷或脾肺虛弱咳嗽吐痰或虛熱上攻口舌生瘡舌古流涎若母有症致兒患此者母亦當服之

十全丹 治丁奚哺露

青皮 陳皮 莪朮煨 川芎 五靈脂 白豆蔻

檳榔 蘆薈

各五錢

木香 史君子 蝦蟆

各一錢

右為末猪膽汁浸糕糊丸麻子大每服二十九米飲

下

愚按湯氏云前症因乳哺不調傷損脾胃不思飲食
氣血日損四肢日瘦肚腹漸大是名丁奚呼吸少氣
汲汲苦熱謂之哺露屬形病俱虛治以前藥宜佐以
異功散壯脾胃以行藥勢庶可得效也

平胃散 治乳食過傷腹鳴嘔吐或米穀不化

厚朴

姜汁製

陳皮

各三兩

甘草

炙二兩

蒼朮

米泔浸五兩

右為末每服二錢薑湯調

愚按前方若乳食停滯愛腐吞酸嘔噦惡心者宜服
是方若飲食既消脾胃虛弱嘔吐惡心者宜用四君
子湯

四君子湯 治脾氣虛損吐瀉少食

人參 白朮 茯苓 甘草

各等分

右每服二錢薑棗水煎

愚按前方若脾胃虛弱或因尅伐之劑致飲食少思
或食而難化或欲作嘔或大便不實者尤宜用之若

無痰嗽氣逆肢體倦怠面目浮腫宜六君子湯

六君子湯即四君子加陳皮半夏治脾胃氣虛吐瀉不食肌肉消瘦或肺虛痰嗽喘促惡寒或肝虛驚搐眩暈自汗諸症並宜服此以滋化源

二陳湯 治脾虛中脘停痰嘔吐惡心

半夏

炮

陳皮

各五錢

茯苓

二錢

甘草

炙一錢

右每服二錢薑水煎

愚按前方若脾虛痰飲嘔吐惡心用之良驗若因飲

食傷胃所致宜用六君子湯調補中氣

胃苓湯

為末蜜丸
名胃苓膏

治腸胃受濕嘔吐泄瀉

白朮 茯苓 澤瀉 厚朴 豬苓 陳皮 甘

草

各等分

桂

少許

右為末每服二錢薑水燈心陳皮煎湯調

愚按前方若停食吐瀉小便短少腹脹作痛宜用此

以分利之更用六君子湯以調補脾胃

釣藤飲子

治一切驚風潮搐目視昏迷

獨活 防風 天竺黃 羌活 川芎 升麻

各三錢

麻黃 草龍膽 甘草

各二錢

釣藤鈎

三錢 蟬殼五錢

去翅足

右為末每服二錢水煎

愚按前方若外感風邪形病俱實者宜用之若形氣虛而病氣實者宜用惺惺散加釣藤麻黃若外邪既去而形病俱虛者宜用異功散

肥兒丸 治肝疳食積肢體消瘦二便不調

檳榔

二十個

黃連

神麴

木香

各一兩五錢

麥芽

炒四兩

史君子

酒浸去皮四兩

肉豆蔻

二兩煨

右為末神麴糊丸麻子大每服二三十九米飲下

愚按前方若食積五疳發熱口渴大便不調小便不清或頸項結核髮稀成穗寒熱作渴宜用之若脾胃稍虛者用五味異功散兼服虛甚者異功散為主佐以前藥

濟生犀角地黃湯 治肺胃鬱熱衄血吐血

生地黃

五錢

犀角

鎊

赤芍藥

牡丹皮

各一錢

右水煎服如無犀角暫以升麻代之

愚按前方若肝脾虛熱吐血衄血便血或發熱作渴
大便秘小便赤宜用之若熱既退而渴血未止或日
晡益甚者陰血虛也四物湯加參朮主之若熱既退
而飲食少思肢體倦怠者胃氣虛也四君子加當歸
主之

徐氏惺惺散

治外感風寒鼻塞痰嗽身體發熱

桔梗 細辛 人參 白朮 甘草 炙 瓜蒌根

白茯苓 各等分

右為末每服二錢入薄荷五葉水煎

愚按前方若感寒邪時氣風熱痰壅咳嗽或抽搐痰
痰痰氣喘促用之若外邪解而病益甚或更兼他症

但調補元氣

徐氏加減抱龍丸 治風痰咳嗽 去天麻即錢氏抱龍丸

雄黃 辰砂 各二錢 天竺黃 四錢 麝香 五分 天麻 六錢 牛膽

南星

錢八

右為末煮甘草糊丸皂角子大三歲一九薄荷湯下
愚按前方若風熱痰嗽或急驚發搐昏睡咬牙形病
俱實宜用此方若初冒風寒咳嗽痰盛氣喘者屬客
邪內作也先用十味參蘇飲若邪既解而腹脹吐瀉
或發搐咬牙睡而露睛屬脾肺氣虛也用五味異功
散切忌祛痰表散若過服而致前症者尤宜溫補脾

肺

十味參蘇飲 治感冒發熱頭疼傷風咳嗽傷寒痰飲
凝滯

人參

紫蘇

各八分

茯苓

陳皮

半夏

前胡

枳殼

麩炒

葛根

桔梗

各六分

木香

五分

甘草

炒五分

右每服二三錢薑水煎

愚按前方雖有參苓補氣而表散之味或多若病久
元氣虛弱者以六君子加桔梗乾葛補而散若因感
外邪而喘嗽腹脹或飲食少思大便不實者此脾肺

之氣虛也必用六君子之類庶無誤矣

秘旨安神丸 治發熱驚啼頰赤壯熱

牙硝 白茯苓 乾山藥 麥門冬焙去心 寒水石

煨

甘草

各五錢

硃砂

一兩 龍腦

二分半

右為末煉蜜丸芡實大每服半丸滾湯化下

愚按前方若口舌生瘡吐舌飲水發熱驚搐啼哭煩
噪面赤屬心經實熱宜用此瀉之若目劄搐搦面青
寒熱屬肝經風熱用六味地黃丸若惡寒飲湯屬脾

氣虛弱用異功散若前症益甚兼手足並冷睡而露睛屬脾胃虛寒用六君子加木香炮薑補之

四物湯 治肝脾血虛發熱驚搐瘰癧丹毒

當歸

川芎

各一錢

芍藥

熟地黃

各七分

右水煎服

愚按前方若血虛發熱或因尅伐或因久病致補熱內熱或煩躁不安皆宜服之經又云血生于脾若脾虛不能生血者宜用四君子加當歸酒炒白芍以補

脾

白朮散 治積痛和胃氣生津液

人參 白朮 藿香葉 木香 甘草 白茯苓

各一兩 乾葛二兩

右每服二錢水煎

愚按前方若脾胃氣虛作渴飲湯或因吐瀉津液虧損煩渴引飲或脾胃虛弱腹脹瀉渴舌流涎手足指冷宜服之以溫補脾氣化生津液

人參平肺散 治心火剋肺金咳嗽發熱口渴痰咸

人參 陳皮 地骨皮 茯苓 甘草 五味

錢各一

杵炒知母 炒七桑白皮 炒一青皮 天門冬 去心

分

各四

右水煎服

愚按前方若心火剋肺傳為肺痿咳嗽喘嘔痰涎壅
盛胸膈痞滿咽嗑不利宜用之若因肝木太過而致
當補肺金若因腎水不足當補脾肺若因心火旺而

自病當利小便

黃芩清肺飲 治肺火燥熱口渴便秘

黃芩

炒二錢

梔子

三個杵碎炒

右水煎服

愚按前方治肺經陰虛火燥而小便不通若因脾經有熱當清其脾若因心火尅肺當制其心

滋腎丸

治稟父腎虛火燥小便秘赤

黃柏

酒炒

知母

酒炒各一兩

肉桂

二錢

右為末丸桐子大每服百丸空心白滾湯下

愚按前方若稟父腎虛發熱便赤或足熱腿軟熱在下焦血分最宜此藥如不應或脾肺燥熱所致並宜六味丸以滋其化源

清胃散 治胃火牙痛或連頭面

升麻

五分

生地黃

牡丹皮

黃連

炒

當歸

各三分

右水煎服

愚按前方治脾胃實火作渴口舌生瘡或唇口腫痛

齒齲潰爛焮連頭面或惡寒發熱或重舌馬牙吐舌
流涎之類子母並宜服若因胃氣虛弱或因寒涼尅
伐胃氣虛熱而口舌生瘡或弄舌發熱飲食少思或
嘔吐困睡大便秘不實流涎齲爛者用五味異功散

補中益氣湯 治中氣虛弱體疲食少或發熱煩渴等
症

人參 黃芪 各八分 白朮 炙甘草 陳皮 各五分

麻 柴胡 各二分 當歸 錢一

右薑棗水煎空心午前服

愚按前方若因藥尅伐元氣虛損惡寒發熱肢體倦
怠飲食少思或無飲食勞倦頭痛身熱煩躁作渴脉
洪大弦虛或微細軟弱右關寸獨甚亦宜用之大凡
久病或過服尅伐之劑虧損元氣而諸症悉具者最
宜前湯調補若母有前症致兒為患者尤宜用之

天麻防風丸 治驚風身熱喘粗多睡驚悸手足搐掣

天麻 防風 人參

各三兩

蝎尾

去毒半兩

甘草

硃砂

雄黃

各一錢半

牛黃

一錢

麝香

五錢

僵蠶

炒一錢半

右為末煉蜜丸櫻桃大朱砂為衣每一丸薄荷湯下
愚按前方若因外邪所感風痰壅盛而患急驚者宜
用此藥驅散之若因肝脾氣虛風痰壅盛而患似前
症用異功散調補之若因脾氣虛肝木所乘而患慢
驚者宜用異功散加薑桂溫補之不應急加附子

五淋散

治膀胱有熱水道不通或小腹腫脹者

赤茯苓

赤芍

各五分

山梔

炒當歸

各三分

甘草

二分

右用燈心十莖水煎服

愚按前方果因積熱壅滯而小便不通者宜用是藥治之若過用寒涼損其陽氣而不能化生者用四君子以滋脾肺若稟賦足三陰虛損而患前症者宜用六味地黃丸加車前子補而通之未應更加牛膝最忌疎導

消積丸 治食積面黃大便酸臭

砂仁十二箇

丁香九箇

烏梅三個

巴豆

二粒去油取霜

右為末糊丸黍米大每服二三丸溫水下

愚按前方溫胃消導之若食積既去重劑而脾氣虧損發熱作渴肢體倦怠飲食少思者當參前五味異功七味白朮二方按法主治

溫脾散 治脾氣虛寒口角流涎

半夏麴 丁香 木香 各一兩 乾薑 炮 白朮 陳皮

各半兩

右為末每服二錢米湯調

愚按前方溫補脾胃之良劑若口渴飲熱肢體倦怠而流涎者宜用異功散加炮薑若肢體發熱作渴飲水而流涎者宜用瀉黃散

保和丸 治飲食停滯胸膈痞滿噯氣吞酸或吐瀉腹

痛

加白朮即大安丸

神麴炒 山楂 半夏 茯苓各一兩 陳皮 連翹

蘿蔔子

炒各五錢

右為末粥丸桐子大每服二三十九白湯送下

愚按前方行氣尅滯之劑若元氣未虧暴停乳食而致斯症者宜用此消導之若元氣虛弱而乳食所傷者必調補胃氣為主而佐以消導若乳食已消而作嘔者乃胃氣被傷當用異功散補之不宜仍用前藥重損胃氣治者審之

助胃膏 治脾胃虛寒吐瀉等症

人參 白朮

炒

白茯苓

甘草

炙

丁香

各五錢

砂仁

四十箇

木香

三錢

白豆蔻

十四箇

乾山藥

一兩

肉豆蔻

四箇煨

右為末蜜丸芡實大每服十九米飲化下

愚按前症若吐瀉酸穢是乳食內停也宜用保和丸以消導之若吐瀉乳食難化是脾胃虛弱也用異功散以調補之若吐瀉少食腹痛惡心脾胃俱虛也用六君子加木香以培補若睡而露睛手足並冷或寒戰咬牙脾胃虛寒也用六君子加木香炮薑以溫補如不應宜急加附子以回陽

牛黃丸 治風癇昏悶抽搐潮熱

牛黃

胆製

全蝎

蟬蛻

各二錢半

防風

白附子

天麻

僵蠶

炒各錢半

麝香

少許

右為末煮棗肉杵丸菴豆大煎荊芥生薑湯下

愚按前方兼治風痰咳嗽喘促發熱驚悸不寧實祛風化痰散氣之藥審有是症而用之其功效如形響也若脾肺氣虛而痰涎壅盛肝脾血虛而驚癇抽搐必當以固本為主不可泛用恐虛其虛而益其患也治者慎之

柴胡飲子 治一切肌熱積熱或汗後餘熱即宣明柴胡飲子

黃芩炒 甘草 大黃炒 芍藥炒 柴胡 人參 當

歸各等分

右薑水煎服

愚按前方若腸胃壅滯大便秘結作渴飲水表裏實熱者用之若汗後發熱屬血虛氣無所附而浮於外切不可用治者審焉

歸脾湯 治脾血虧損健忘驚悸等症

人參 黃芪

茯神

去木各一錢

甘草

炒五錢

白朮

炒一錢

木香

五分 遠志

去心 酸棗仁

炒 龍眼肉

當歸

各一錢

右水煎服

愚按前方若乳母憂思傷脾血虛發熱食少體倦或脾不能攝血以致妄行吐下或健忘怔忡驚悸少寐或心脾作痛自汗盜汗或肢體腫痛大便不調或經候不準晡熱內熱或重唇流注等症致兒為患者用之令子母俱服

八味地黄丸即六味地黄丸加肉桂附子各一兩

愚按前方治稟賦命門火衰不能生土以致脾土虛寒或飲食少思或食而不化臍腹疼痛夜多漩溺等症經云益火之源以消陰翳此之謂也或乳母命門火衰兒飲其乳致前症者子母並宜服之

加減八味丸即六味地黄丸加肉桂一兩五味子四兩愚按前方治稟父腎陰不足或吐瀉久病津液虧損口乾作渴或口舌生瘡兩足發熱或痰氣上湧或手

足厥冷等症

八珍湯即前四君四物二湯合方也

愚按前方治氣血俱虛陰火內熱或因尅伐之劑脾胃虧損肌肉消瘦等症

十全大補湯即八珍湯加黃芪肉桂

愚按前方治氣血虛弱或稟賦不足寒熱自汗食減體瘦發熱作渴頭痛眩暈最宜用之

加味逍遙散

去牡丹皮山梔名逍遙散

治肝脾血虛等症

當歸

甘草

炙

芍藥

酒炒

茯苓

白朮

炒

柴胡

各一錢

牡丹皮

山梔

炒各七分

右水煎服

愚按前方若乳母肝脾血虛內熱或遍身搔痒寒熱或肢體作痛頭目昏重或怔忡頰赤口燥咽乾或發熱盜汗食少不寐或口舌生瘡耳內作痛或胸乳腹脹小便不利致兒為患尤宜用之

九味龍胆瀉肝湯 治肝經濕熱或囊癰下疳便毒小

便瀉滯或陰囊作痛小便短少

愚製

車前子

炒

木通

當歸尾

澤瀉

各五分

甘草

黃

苓

炒

生地黃

山梔

各三分

龍膽草

酒炒五分

右水煎服

即龍膽瀉肝湯

抑肝散

治肝經虛熱發搐或發熱咬牙或驚悸寒熱

或木乘土而嘔吐痰涎腹脹少食睡卧不安

愚製

軟柴胡

甘草

各五分

川芎

八分

當歸

白朮

炒

茯苓

鈎藤鈎

各一錢

右水煎子母同服

梔子清肝散

一名梔胡
梔子散

治三焦及足少陽經風熱耳內

作痒生瘡或出水疼痛或胸乳間作痛寒熱往來

製

柴胡 梔子

炒

丹皮

各一錢

茯苓

川芎

芍藥

當歸

牛蒡子

炒各七分

甘草

三分

右水煎服若太陽頭痛加羌活

柴胡清肝散

治鬚疽及肝膽三焦風熱怒火之症或

項胸作痛瘡毒發熱

愚製

柴胡

一錢半

黃芩

炒

人參

川芎

各一錢

山梔

炒一錢半

連

翹

甘草

各五分

桔梗

八分

右水煎服

小柴胡湯

加山梔牡丹皮
名加味小柴胡

治傷寒溫熱身熱惡風頭疼

項強四肢煩疼往來寒熱嘔噦痰實中暑瘧疾並服

之問註

柴胡

二錢

黃芩

炒一錢半

人參

半夏

各七分

甘草

炙五分

右薑水煎服

愚按前方若肝膽經風熱肝火瘰癧寒熱往來日晡發熱潮熱身熱不欲飲食或怒火口苦耳聾咳嗽或脇痛脹滿小便不利或瀉泄吐酸苦水或肢體搖動唇目抽劄並宜用之

砭法 治丹毒疔瘡紅絲走散或時毒瘀血壅盛或色赤走散用細磁器擊碎取有鋒芒者以筋劈開頭夾之麻線纏定兩指輕撮筋稍令磁芒正對患處懸寸

許再用筋頻擊之令毒血遇刺即出凡毒血凝滯於外真氣不能勝散者急用此法以去之否則為害甚矣

蕪荑散 治蟲動腹痛

白蕪荑 炒 乾漆 炒煙盡

各等分

右為末每服三五分發時米飲調下

愚按前症乃臟腑虛弱或胃冷胃熱而動往來攻心作痛叫哭仰身揮手心神悶亂吐涎沫或清水肌瘦

沉默皆其症也保生方云蛔蟲乃九蟲之一人腹中皆有之其外症腹上青筋惡心吐水面無正色唇緩而白目無睛光若蟲食上部則上唇內有白點蟲食下部則下唇內有白點腹中諸蟲朔日後其頭向上望日後其頭向下如急於用藥先以肉物近兒烹炙使聞香味蟲頭亦向上則藥易效

調中丸 治泄瀉青白腹痛腸鳴嘔吐酸水不思乳食

人參 甘草

炒

白朮

炒各五錢

乾薑

炒四錢

右為末薑汁麵糊丸萊豆大每服二三十丸米飲下
愚按前方一名溫中丸即人參理中丸也若腎水侮土而
虛寒者加半夏茯苓陳皮或嘔吐更加藿香泄瀉加
木香

香連丸 治諸痢并水瀉

黃連 二十兩淨 吳茱萸 十兩淨 木香

右將前二味用熱水拌和入磁器內置熱湯中同炒
黃連至紫色去茱萸用黃連為末每末四兩入木香

末一兩和勻淡醋糊丸黍米大每服二十九白湯下

朱砂安神丸 治心疳及怔忡心下煩躁

朱砂

錢四

黃連

錢五

生地

五錢
杵膏

生甘草

二錢
五分

右為末用米糊丸黍米大每服十九白湯下

人參補肺湯 治肺症因腎水不足虛火上炎咳吐膿
血發熱作渴小便不利

人參 黃芪 白朮 茯苓 陳皮 當歸 山

茱萸

肉

山藥

五味子

杵

麥門冬

甘草

炒各
五分

熟

地黃 牡丹皮一錢

右作二三服水煎

補肝散 治肝經氣虛吐血衄血或兩脇脹滿筋急面青小腹脹痛或兩目不明不時叫噉

山茱萸內 當歸 五味子炒 山藥 黃芪炒 川芎

木瓜各五錢 熟地黃 白朮各二錢 獨活 酸棗仁

炒各一錢

右為末每服一錢水煎

越鞠丸 治乳母六鬱傳兒為患或胸滿吐酸齒痛瘡
疥等症

蒼朮 神麴炒 香附子 山查 山梔炒 撫芎

麥芽炒各等分

右為末水調神麴糊丸桐子大每服二三十九白滾
湯下子母並服

麥門冬散 治脾肺氣虛有熱吐血衄血久不愈者

麥門冬 黃芪炒一兩 當歸 人參 生地黃各錢五

五味子

并炒
十粒

右分五服水煎

楊氏十全丹

治丁奚哺露

說見前十
全丹下

檳榔

枳殼

炒

青皮

陳皮

三稜

煨

蓬朮

砂

仁

各一
兩半

丁香

二錢
半

木香

二錢

香附

一兩

右為末神麴糊丸黍米大每服二十九米飲下

四味肥兒丸

一名小
肥兒丸

治食積脾疳目生雲翳或兩耳出

膿或口舌生瘡牙根腐爛身瘦生瘡或小便澄白腹

大筋青一切疳症

黃連

炒

蕪荑

炒

神麴

麥牙

炒各

等分

右為末水糊丸桐子大每服一二十九空心白滾湯

下

蟾蜍丸 治無辜疳症一服虛熱退二服煩渴止三服

瀉痢愈

蟾蜍

一枚夏月溝渠中取腹大不跳不鳴身多癰者

右取糞蛆一杓置桶中以尿浸之却將蟾蜍跌死投

與蛆食一晝夜用布袋盛蛆置急流中一宿取出瓦
上焙乾為末入麝香少許粳米飯丸麻子大每服二
三十九米飲下其效如神

柳華散 治熱毒口瘡

黃柏

炒

蒲黃

青黛

真正者

人中白

煅各等分

右為末敷之

抱龍丸 治傷風溫疫身熱昏睡風熱痰實壅嗽又治
驚風潮抽及蟲毒中暑

雄黃

二錢五分

辰砂

另研五錢

天竺黃

一兩

牛膽南星

四兩

麝香

五分
另研


右為末煎甘草膏九芡實大每服一九白湯化下

愚按前方化痰祛邪清熱之功居多屬肝心實熱而致者用之殊效若脾肺虛熱而見昏睡痰嗽當用寶鑑天麻散調補元氣

製附子法

附子重一兩三四錢有蓮花辨頭圓底平者先備童

便五六碗將附子放在竈上炙良久垂熟投童便中
浸五七日候潤透揭去皮切四塊仍浸二三日用粗
紙數層包之浸濕埋灰火半日取出切片檢有白星
者瓦上炙至無白星為度如急用即切大片用童便
煮二三沸熱瓦熟用之



薛氏醫案卷六

欽定四庫全書

子部

薛氏醫案卷八

詳校官太醫院吏目臣周世泰

編修臣倉聖脈覆勘

總校官原任中允臣王燕緒

校對官中書臣李斯咏

謄錄監生臣王鉞

欽定四庫全書

薛氏醫案卷七

明 薛己 撰

原機啟微

淫熱反尅之病

膏粱之變滋味過也氣血俱盛稟受厚也亢陽上炎陰不濟也邪入經絡內無禦也因生而化因化而熱熱為火火性炎上足厥陰肝為木木生火母妊子子以淫勝

禍發反尅而肝開竅於目故肝受尅而目亦受病也其
病眇多眊眊緊澁赤脉貫睛臟腑秘結者為重重者芍
藥清肝散主之通氣利中丸主之眇多眊眊緊澁赤脉
貫睛臟腑不秘結者為輕輕者減大黃芒硝芍藥清肝
散主之黃連天花粉丸主之少盛服通氣利中丸目眊
爛者內服上藥外以黃連蘆甘石散收其爛處兼以點
眼春雪膏龍腦黃連膏嚙鼻碧雲散攻其淫熱此治淫
熱反尅之法也非膏粱之變非氣血俱盛非亢陽上炎

非邪人經絡毋用此也用此則寒涼傷胃生意不上升反為所害病豈不治而已也噫審諸

風熱不制之病

風動物而生於熱譬以裂火焰而必吹此物類感召而不能違間者也因熱而召是為外來久熱不散感而自生是為內發內外為邪惟病則一淫熱之禍條已如前益以風邪害豈纖止風加頭痛風加鼻塞風加腫脹風加涕淚風加腦巔沉重風加眉骨酸疼有一於此羌活

勝風湯主之風加癢則以杏仁龍膽草泡散洗之病者
有此數證或不服藥或誤服藥翳必隨之而生翳如雲
霧翳如絲縷翳如秤星翳如秤星者或一點或三四點
而至數十點翳如螺蓋者為病久不去治不如法至極
而至也為服寒涼藥過多脾胃受傷生意不能上升漸
而至也然必要明經絡庶能應手翳凡自內眥而出為
手太陽足太陽受邪治在小腸膀胱經加蔓荊子蒼朮
羌活勝風湯主之自銳眥客主人而入者為足少陽手

少陽手太陽受邪治在膽與三焦小腸經加龍膽草藁
本少加人參羌活勝風湯主之自目系而下者為足厥
陰手少陰受邪治在肝經心經加黃連倍加柴胡羌活
勝風湯主之自抵過而上者為手太陽受邪治在小腸
經加木通五味子羌活勝風湯主之熱甚者兼用治淫
熱之藥嗜鼻碧雲散俱治以上之證大抵如開鍋蓋法
嗜之隨效然力少而銳宜不時用之以聚其力雖然始
者易而久者難漸復而復漸復而又復可也急於復者

金匱要略卷之七
則不治今世醫用磨翳藥者有之用手法揭翳者有之
噫翳猶瘡也奚斯愈乎庸者用此非徒無益增害猶甚
愚者受此欣然而不悞可嘆也哉故置風熱不制之病
治法

七情五賊勞役饑飽之病

陰陽應象大論曰天有四時以生長收藏以生寒暑燥
濕風寒暑燥濕風之發耶發而皆宜時則萬物俱生寒
暑燥濕風之發耶發而皆不宜時則萬物俱死故曰生

於四時死於四時又曰人有五藏化為五氣以生喜怒
憂悲恐喜怒憂悲恐之發耶發而皆中節則九竅俱生
喜怒憂悲恐之發耶發而皆不中節則九竅俱死故曰
生於五藏死於五藏目竅之一也光明視見納山川之
大及毫芒之細悉雲霄之高盡泉沙之深至於鑒無窮
為有窮而有窮又不能為窮反而聚之則乍張乍斂乍
動乍靜為一泓一點之微者豈力為強致而能此乎是
皆生生自然之道也或因七情內傷五賊外攘饑飽不

節勞役異常足陽明胃之脉足太陰脾之脉為戊己二土生生之原也七情五賊總傷二脉饑飽傷胃勞役傷脾戊己既病則生生自然之體不能為生生自然之用故致其病曰七情五賊勞役饑飽之病其病紅赤睛珠痛痛如刺刺應太陽眼眵無力常欲垂閉不敢久視久視則酸疼生翳皆成陷下所陷者或圓或方或長或短或如點或如縷或如錐或如鑿證有印此者柴胡復生湯主之黃連羊肝丸主之痛睛甚者當歸養榮湯主之

助陽活血湯主之加減地黃丸主之決明益陰丸主之
加當歸黃連羊肝丸主之龍腦黃連膏主之已上數方
皆羣隊升發陽氣之藥其中有用黃連黃芩之類者去
五賊也喘鼻碧雲散亦可見用最忌大黃芒硝牽牛石
膏梔子之劑犯所忌則病愈振

血為邪勝凝而不行之病

血陰物類地之水泉性本靜行其勢也行為陽是陰中
之陽乃坎中有火之象陰外陽內故行也純陰故不行

也不行則凝凝則經絡不通經曰足陽明胃之脉常多
氣多血又曰足陽明胃之脉常生氣生血手太陽小腸
之脉斜絡於目眥足太陽膀胱之脉起於目內眥二經
皆多血少氣血病不行血多易凝靈蘭秘典論曰脾胃
者倉廩之官五味出焉五味淫則傷胃胃傷血病是為
五味之邪從本生也又曰小腸者受盛之官化物出焉
遇寒則阻其化又曰膀胱者州都之官津液藏焉遇風
則散其藏一阻一散血亦病焉是為風寒之邪從末生

也凡是邪勝血病不行不行漸滯滯則易凝凝則病始
外見以其斜絡目眚耶以其起於目內眚耶故病環目
青黯如被物傷狀重者白睛亦黯輕者或成斑點然不
痛不癢無淚眇眊眊羞澁之證是曰血為邪勝凝而不
行之病此病初起之時大抵與傷風證相似一二日則
顯此病也川芎行經散主之消凝大丸子主之睛痛者
更以當歸養榮湯主之如此則凝復不滯滯復能行不
行復行邪消病除血復如故志此無所不愈也不志於

此無所愈也

氣為怒傷散而不聚之病

氣陽物類天之雲霧性本動聚其體也聚為陰是陽中之陰乃離中有水之象陽外陰內故聚也純陽故不聚也不聚則散散則經絡不收經曰足陽明胃之脉常多氣多血又曰足陽明胃之脉常生氣生血七情內傷脾胃先病怒七情之一也胃病脾病氣亦病焉陰陽應象大論曰足厥陰肝主目在志為怒怒甚傷肝傷脾胃則

氣不聚傷肝則神水散何則神水亦氣聚也其病無眵
淚痛癢羞明緊澁之證初但昏如霧露中行漸空中有
黑花又漸覩物成二體久則光不收遂為廢疾蓋其神
水漸散而又散終而盡散故也初漸之次宜以千金磁
硃丸主之鎮墜藥也石斛夜光丸主之養補藥也益陰
腎氣丸主之壯水藥也有熱者滋陰地黃丸主之此病
最難治餌服上藥必要積以歲月必要無饑飽勞役必
要驅七情五賊必要德性純粹庶幾易效不然必廢廢

則終不復治久病光不收者亦不復治一證因為暴怒
神水隨散光遂不收都無初漸之次此一得永不復治
之證也又一證為物所擊神水散如暴怒之證亦不復
治俗名為青盲者是也世病者多不為審察曰目昏無
傷始不經意及成世醫亦不識直曰熱致竟以涼藥投
殊不知涼藥又傷胃況不知涼為秋為金肝為春為木
涼藥又傷肝往往致廢而然後已病者猶不以藥非而
委之曰命也醫者猶不自悟其藥而贅之曰病拙吁二

者俱此誰其罪乎予累見也故兼陳涼藥之誤

血氣不分混而遂結之病

輕清圓健者為天故首象天重濁方厚者為地故足象地飄騰往來者為雲故氣象雲過流循環者為水故血象水天降地升雲騰水流各宜其性故萬物生而無窮陽平陰秘氣行血隨各得其調故百骸理而有餘反此則天地不降升雲水不騰流各不宜其性矣反此則陰陽不平秘氣血不行隨各不得其調矣故曰人身者小

天地也難經曰血為榮氣為衛榮行脉中氣行脉外此血氣分而不混行而不阻也明矣故如雲騰水流之不相雜也大抵血氣如此不欲相混混則為阻阻則成結結則無所去還故隱起於皮膚之中遂為疣病然各隨經絡而見疣病自上眼睫而起者乃手少陰心脉足厥陰肝脉血氣混結而成也初起時但如豆許血氣衰者遂止不復長亦有久止而復長者盛者則漸長長而不已如盃如盞如碗如斗皆自豆許致也凡治在初須擇

人神不犯之日大要令病者食飽不饑先汲冷井水洗眼如冰勿使氣血得行然後以左手持銅筋按眼睫上右手翻眼皮令轉轉則疣肉已突換以左手大指按之弗令得動移復以右手持小眉刀尖畧破病處更以兩手大指甲捻之令出則所出者如豆許小黃脂也恐出而根不能斷宜更以眉刀尖斷之以井水再洗洗後則無恙要在手疾為巧事畢須投以防風散結湯數服即愈此病非手法則不能去何則為血氣初混時藥自可

金匱要略卷之七
及病者則不知其為血氣混也比結則藥不能及矣故
必用手法去去畢必又以升發之藥散之藥手皆至庶
幾了事

熱積必潰之病

積者重疊不解之貌熱為陽陽平為常陽淫為邪常邪
則行行則病易見易見則易治此則前篇淫熱之病也
深邪則不行不行則伏因伏而又伏日漸月聚勢不得
不為積也積已久久積必潰潰始病見病見則難治難

治者非不治也為邪積久比潰已深何則潰猶敗也知敗者庶可以久其病隱澁不自在稍覺眊矐視物微昏內眥穴開竅如鍼目按之則沁沁膿出有两目俱病者有一目獨病者目屬肝內眥屬膀胱此盖一經積邪之所致也故曰熱積必潰之病又曰漏睛眼者是也竹葉瀉經湯主之大使不鞭者減大黃為用密劑解毒丸主之不然藥悞病久終為枯害

陽衰不能抗陰之病

或問曰人有晝視通明夜視罔見雖有火光月色終為不能覩物者何也答曰此陽衰不能抗陰之病諺所謂雀盲者也問曰何以知之答曰黃帝生氣通天論曰自古通天者生之本本於陰陽天地之間六合之內其氣九州九竅五藏十二節皆通乎天氣又曰陰陽者一曰而主外平旦人氣生日中而陽氣隆日西而陽氣已虛氣門乃閉又曰陽不勝其陰則五藏氣爭九竅不通故知也問曰陽果何物耶答曰凡人之氣應之四時者春

夏為陽也應之一日者平旦至昏為陽也應之五臟六腑者六腑為陽也問曰陽何為而不能抗陰也答曰人之有生以脾胃中州為主也靈蘭秘典曰脾胃者倉廩之官在五行為土土生萬物故為陽氣之原其性好生惡殺遇春夏乃生長遇秋冬則收藏或有憂思恐怒勞役饑飽之類過而不節皆能傷動脾胃脾胃受傷則陽氣下陷陽氣下陷則於四時一日五臟六腑之中陽氣皆衰陽氣既衰則於四時一日五臟六腑之中陰氣獨盛陰

氣既盛故陽不能抗也問曰何故夜視罔見答曰目為肝肝為足厥陰也神水為腎腎為足少陰也肝為木腎為水水生木蓋亦相生而成也況怒傷肝恐傷腎肝腎受傷亦不能生也晝為陽天之陽也晝為陽人亦應之也雖受憂思恐怒勞役饑飽之傷而陽氣下陷遇天之陽盛陰衰之時我之陽氣雖衰不得不應之升也故猶能晝視通明夜為陰天之陰也夜為陰人亦應之也既受憂思恐怒勞役饑飽之傷而陽氣下陷遇天陰盛陽

衰之時我之陽氣既衰不得不應之時伏也故夜視罔
所見也問曰何以為治答曰鎮陰升陽之藥決明夜靈
散主之問曰病見富貴乎貧賤者乎答曰憂思恐怒勞
役饑飽富貴者甚乎惟其貧賤者不能免甚也問者稱
善

陰弱不能配陽之病

五臟無偏勝虛陽無補法六腑有調候弱陰有強理心
肝脾胃腎各有所滋生一臟或有餘四臟俱不足此五

臟無偏勝也或浮或為散是曰陽無根益之欲令實翻
致不能禁此虛陽無補法也膀胱大小腸三焦膽包絡
俾之各有主平秘永不危此六腑有調候也衰弱不能
濟遂使陽無禦反而欲匹之要以方術盛此弱陰有強
理也解精微論曰心者五臟之專精目者其竅也又為
肝之竅腎生骨骨之精為神水故肝木不平內挾心火
為勢妄行火炎不制神水受傷上為內障此五臟病也
勞役過多心不行事相火代之五臟生成論曰諸脉皆

屬於目相火者心包絡也主百脉上榮於目火盛則百脉沸騰上為內障此虛陽病也膀胱小腸三焦膽脉俱循於目其精氣亦皆上注而為目之精精之窠為眼四府一衰則精氣盡敗邪火乘之上為內障此六腑病也神水黑眼皆法於陰白眼赤脉皆法於陽陰齊陽俾故能為視陰微不立陽盛即淫陰陽應象大論曰壯火食氣壯火散氣上為內障此弱陰病也其病初起時視覺微昏常見空中有黑花神水淡綠色次則視岐覩一成二

神水淡白色可為沖和養胃湯主之益氣聰明湯主之
千金磁硃丸主之石斛夜明丸主之有熱者瀉熱黃連
湯主之久則不覩神水純白色永為廢疾也然廢疾亦
有治法先令病者以冷水洗眼如冰氣血不得流行為
度用左手大指次指按定眼珠不令轉動次用右手持
鴨舌鍼去黑睛如米許鍼之令入白睛甚厚欲入甚難
必要手準力完重鍼則破然後斜回鍼首以鍼刀刮之
障落則明有落而復起者起則重刮刮之有至再三者

皆為洗不甚冷氣血不凝故也障落之後以棉裹黑豆數粒令如杏核樣使病目垂閉覆眼反上用軟帛纏之睛珠不得動移為度如是五七日纔許開視視勿勞也亦須服上藥庶幾無失此法治者五六不治者亦四五五臟之病虛陽之病六腑之病弱陰之病四者皆為陰弱不能配陽也噫學者慎之

心火乘金水衰反制之病

天有六邪風寒暑濕燥火也人有七情喜怒悲思憂恐

驚也七情內召六邪外從從而不休隨召見病此心乘
金水衰反制之原也世病目赤為熱人所共知者也然
不審其赤分數等各治不同有白睛純赤如火熱氣炙
人者乃淫熱反尅之病也治如淫熱反尅之病有白有
赤而腫脹外眦虛浮者乃風熱不制之病也治如風熱
不制之病有白睛淡赤而細脉深紅縱橫錯貫者乃七
情五賊勞役饑飽之病治如七情五賊勞役饑飽之病
有白睛不腫不脹忽如血貫者乃血為邪勝凝而不行

之病也治如血為邪勝凝而不行之病有白睛微變青色黑睛稍帶白色白黑之間赤環如帶謂之抱輪紅者此邪火乘金水衰反制之病也此病或因目病已久抑鬱不舒或因目病誤服寒涼藥過多或因目病時內多房勞皆能內傷元氣元氣一虛心火亢盛故火能剋金金乃手太陰肺白睛屬肺水乃足少陰腎黑睛屬腎水本尅火水衰不能尅反受火制故視物不明昏如霧露中或睛珠高低不平其色如死甚不光澤赤帶抱輪而

紅也口乾舌苦眇多羞澁稍有熱者還陰救苦湯主之
黃連羊肝丸主之川芎決明散主之無口乾舌苦眇多
羞澁者助陽活血湯主之神驗錦鳩丸主之萬應蟬花
散主之有熱無熱俱服千金磁硃丸鎮墜心火滋益腎
水榮養元氣自然獲愈也噫天之六邪未必能害人也
惟人以七情召而致之也七情匿召六邪安從反此者
豈止能避而已哉猶當役之而後已也

內急外弛之病

陰陽以和為本過與不及病皆生焉急者緊縮不解也
弛者寬縱不收也緊縮屬陽寬縱屬陰不解不收皆為
病也手太陽肺為辛為金也主一身皮毛而目之上下
眦之外者亦其屬也手太陰心為丁手太陽小腸為丙
丙丁為火故為表裡故分上下而目之上下眦之內者
亦其屬也足厥陰肝為乙乙為木其脉循上眦之內火
其子也故與心合心肝小腸三經受邪則陽火內盛故
上下眦之內緊縮而不解也肺金為火尅受尅者必衰

衰則陰氣外行故目之上下睫之外者寬縱而不收也
上下睫既內急外弛故睫毛皆倒而刺裏睛既受刺則
深赤生翳此翳者睛受損也故目所病者皆具如羞明
沙澁畏風怕日沁爛或痛或痒生眵流淚之證俱見有
用藥夾施於上睫之外者欲弛者急急者弛而睫毛無
倒刺之患者非其治也此徒能解厄於目前而終復其
病也何則為不審過與不及也為不能除其原病也治
法當攀出內眦向外速以三稜鍼亂刺出血以左手大

指甲迎其鍼鋒後以黃耆防風飲子主之無比蔓荊子湯主之決明益陰丸主之菊花決明散主之嚙鼻碧雲散亦宜兼用如是則緊縮自弛寬縱漸急或過不及皆復為和藥夾之治忍勿施也徒為苦耳智者宜審此

奇經客邪之病

人之有五臟者猶天地之有五嶽也六腑者猶天地之有四瀆也奇經者猶四瀆之外別有江湖也奇經客邪非十二經之治也十二經之外別有治奇經之法也繆

刺論曰邪客於足陽蹻之脉令人目痛從內眥始啓玄
子王冰註曰以其脉起於足上行至頭而屬目內眥故
病令人目痛從內眥始也鍼經曰陰蹻脉入眦屬目內
眥合於太陽陽蹻而上行故陽蹻受邪者內眥即赤生
脉如縷縷根生於瘀肉瘀肉生黃赤脂脂橫侵黑睛漸
蝕神水此陽蹻為病之次第也或兼銳眥而病者以其
合於太陽故也銳眥者手太陽小腸之脉也銳眥之病
必輕於內眥者蓋枝蔓所傳者少而正受者必多也俗

呼為攀睛即其病也還陰救苦湯主之撥雲退翳丸主之
之梔子勝奇散主之萬應蟬花散主之磨障靈光膏主
之消翳復明膏主之朴硝黃連盧甘石泡散主之病多
藥不能及者宜治以手法先用冷水洗如鍼內障眼法
以左手按定勿令得動移畧施小眉刀尖剔去脂肉復
以冷水洗淨仍將前藥餌之此治奇經客邪之法也故
并置其經絡病始

為物所傷之病

志於固者則八風無以窺其隙本於密者則五臟何以受其邪故生之者天也召之者人也雖生弗召莫能害也為害不已召之甚也生氣通天論曰風者百病之始也清淨則肉腠閉拒雖有大風苛毒弗之能害陰陽應象大論曰邪風之至疾如風雨故善治者治皮毛夫肉腠固皮毛密所以為害者安從其來也今為物之所傷則皮毛肉腠之間為隙必甚所傷之際豈無七情內移而為衛氣衰憊之原二者俱召風安不從故傷於目之

上下左右者則目之上下左右俱病當總作除風益損
湯主之傷於眉骨者病自目系而下以其手少陰有隙
也加黃連除風益損湯主之傷於額者病自抵過而上
傷於耳中者病自銳眚而入以其手太陽有隙也加柴
胡除風益損湯主之傷於額交巔耳上角及腦者病自
內眚而出以其足太陽有隙也加蒼朮除風益損湯主
之傷於耳後耳角耳前者病自客主人斜下傷於頰者
病自銳眚而入以其手少陽有隙也加枳殼除風益損

湯主之傷於頭角耳前後及目銳眥後者病自銳眥而入以其足少陽有隙也加龍膽草除風益損湯主之傷於額角及巔者病自目系而下以其足厥陰有隙也加五味子除風益損湯主之諸有熱者更當加黃芩兼服加減地黄丸傷甚者須從權倍加大黃瀉其敗血六節藏象論曰肝受血而能視此蓋滋血養血復血之藥也此治其本也又有為物暴震神水遂散更不復治故并識之於此

傷寒愈後之病

傷寒病愈後或有目復大病者以其清陽之氣不升而餘邪上走空竅也其病癰溢赤脹生翳羞明頭腦骨痛宜作羣隊升發之劑餌之數服斯愈傷寒論曰冬時嚴寒萬類深藏君子固密不傷於寒觸冒之者乃名傷寒其傷於四時之氣者皆能為病又生氣通天論曰四時之氣更傷臟腑五臟六腑一病則濁陰之氣不得下清陽之氣不得上今傷寒時病雖愈濁陰清陽之氣猶未

來復濁陰清陽之氣未復故餘邪尚熾不休邪氣上攻致為目之害也是以一日而愈者餘邪在太陽二日而愈者餘邪在陽明三日而愈者餘邪在少陽四日而愈者餘邪在太陰五日而愈者餘邪在少陰六日而愈者餘邪在厥陰七日而復是皆清陽不能出上竅而復受其所害也當為助清陽上出則治人參補陽湯主之羌活勝風湯主之加減地黃丸主之嚕鼻碧雲散亦宜用也忌大黃芒硝苦寒通利之劑用之必不治

強陽搏實陰之病

強者盛而有力也實者堅而內克也故有力者強而欲搏內克者實而自收是以陰陽無兩強亦無兩實惟強與實以偏則病內搏於身上見於虛竅也足少陰腎為水腎之精上為神水手厥陰心包絡為相火火強搏水水實而自收其病神水緊小漸小而又小積漸之至竟如菜子許又有神水外圍相類蟲蝕者然皆能覩而不昏但微覺眊眊羞澁耳是皆陽氣強盛而搏陰陰氣堅

實而有禦雖受所搏終止於邊鄙皮膚也內無所傷動
治法當抑陽緩陰則愈以其強耶故可抑以其實耶惟
可緩而弗宜助助之則反勝抑陽酒連散主之大抵強
者則不易入故以酒為之導引欲其氣味投合入則可
展其長此反治也還陰救苦湯主之療相火藥也亦宜
用噓鼻碧雲散然病世亦間見醫者要當識之

亡血過多之病

六節藏象論曰肝受血而能視宣明五氣篇曰久視傷

血氣厥論曰膽移熱於腦則目頰鼻淵傳為衄衄膜目繆
刺論曰冬刺經脉血氣皆脫令人目不明由此推之目
之為血所養者明矣手少陰心生血血榮於目足厥陰
肝開竅於目肝亦多血故血亡目病男子衄血便血婦
人產後崩漏亡之過多者皆能病焉其為病睛珠痛珠
痛不能視羞明癰溢眼睫無力眉骨太陽因為酸疼當
作芎歸補血湯主之當歸養榮湯主之除風益損湯主
之滋陰地黃丸主之諸有熱者加黃芩婦人產漏者加

金匱要略卷之七
阿膠脾胃不佳惡心不進食者加生薑復其血使其所
養則愈然要忌鹹物宣明五氣篇又曰鹹走血血病無
多食鹹是忌

癰疹餘毒之病

東垣李明之曰諸癰疹皆從寒水逆流而作也子之初
生也在母腹中母呼亦呼母吸亦吸呼吸者陽也而動
作生焉饑食母血渴飲母血飲食者陰也而形質生焉
陰具陽足十月而降口中惡血因啼即下却歸男子生

精之所女子結胎之處命宗所謂玄牝玄關者也此血
僻伏而不時發或因乳食內傷或因濕熱下溜營氣不
從逆於肉理所僻伏者乃為所發初則膀胱壬水夾脊
逆流而尅小腸丙火故頸項已上先見也次則腎經癸
水又尅心火故胸腹已上次見也終則二火熾盛反制
寒水故胸腹已下後見也至此則五臟六腑皆病也七
日齊七日盛七日謝三七二十一日而愈者七為大數
故也愈後或有病疽病瘡者是皆餘毒尚在不去者今

其病目者亦然所害者與風熱不制之病稍同而異總以羚羊角散主之便不鞭者減硝黃未滿二十一日而病作者消毒化癰湯主之此藥功非獨能於目蓋專於癰者之藥也不問初起已著服之便令消化稀者則不復出方隨四時加減

深疔為害之病

衛氣少而寒氣乘之也元氣微而飲食傷之也外乘內傷釀而成之也父母以其純陽耶故深冬不為裳父母

以其惡風耶故盛夏不解衣父母以其數饑耶故餉後
強食之父母以其或渴耶故乳後更飲之有愚戇而為
父母者又不審其寒暑飲食也故寒而不為暖暑而不
能涼飲而不至渴食而不及饑而小兒幽玄銜默抱疾
而不能自言故外乘內傷因循積漸釀而成疴也渴而
湯饑能食而瘦腹脹下利作嘔嘔聲日遠不治遂生目
病其病生翳眵閉不能開眵淚如糊久而膿流竟枯爾
目何則為陽氣下走也為陰氣反上也治法當如陰陽

應象大論曰清陽出上竅濁陰出下竅清陽發腠理濁陰走五臟清陽實四肢濁陰歸六腑各還其原不反其常是其治也當作升陽降陰之劑茯苓瀉濕湯主之升麻龍膽草飲子主之此藥非專於目并治已上數證然勿後後則危也為父母者其審諸

薛氏醫案卷七